

Kev siv hmoov pa los tshuaj xyuas yog dabtsi?

Kev siv hmoov pa yog kev kuaj seb puas muaj qhov dim pa lossis txuas ib qho twg tsis zoo uas cia tej dej nag nkag tau mus rau hauv lub raj dej cug cov dej qub uas koj siv tag hauv tsev. Thaum lub sijhawm kuaj no, cov neeg ua haujlwm yuav tso ib co pa taws dawb mus rau lub raj dej. Cov pa no yuav tawm tuaj rau tej qhov ntawm kev, kav dej thiab lwm qhov chaw uas dej nag nkag tau mus rau hauv tej raj dej qub.

Puas tas kuv nyob tsev lossis cov neeg tuaj kuaj yuav los hauv tsev thiaj kuaj tau?

Tsis tas nyob tsev. Cov neeg ua haujlwm rau lub City mam li tshuaj sab nraum zoov ntawm txoj kev thiab/lossis kev qab tsib taug. Lawv yuav tsis nkag los tsev ces koj tsis tas nyob tsev.

Kuv yuav ua li cas thiaj npaj tau?

Ntov ib thoob dej mus rau hauv cov qhov dej hauv qab daum thiab tej qhov viv, dab ntxuav tes lossis dab da dej uas koj tsis tau siv ntau tshaj ib hlis no los lawm. Cov dej no yuav tsum nkag mus rau tej qhov thiab txo kom tsis txhob muaj hmoov pa nkag tau los rau hauv koj tsev lossis lub lag luam. Tej hmoov pa kuj tseem yuav nkag tau mus rau tej kais dej uas puas, lossis tej kav dej nij muab kho.

Hu rau 612-673-3254 yog xav tau kev ceeb toom yog tias koj lossis ib tug hauv koj tsev neeg tsis meej xeeb, ua pa nyuaj lossis muaj lwm yam mob nkeeg uas cov hmoov pa no yuav meem txom nws.

Cov hmoov pa no puas zoo los hnia?

Cov hmoov pa no yog hmoov pa cuav xwb ces tsis muaj kuab lom, tiamsis kuj meem txom rau ib txhia neeg lossis cov tsiaj yug hauv tsev uas muaj teeb meem ua pa. Yog tias ua tau, ces txwv lub sijhawm mus hnia cov hmoov pa cuav no.

Yog xav paub ntxiv txog cov hmoov pa uas siv no, tiv tauj cov kws tsim lub vej xaij ntawm no [HURCO LiquiSmoke](#) Lossis SDS ntawm <https://www.usabluebook.com/images/pdf/28459S.pdf>

Vim li cas yuav tau tshuaj xyuas?

Lub City ua haujlwm los pab txo nqi rau peb cov pej xeem thiab tiv thaiv ib puag ncig. Thaum dej nag nkag tau mus rau cov raj dej qub lawm ces yuav nce nqi rau peb los muab tshuaj los tov rau. Thiab, nyob rau lub sijhawm los nag hlob heev, cov dej nag uas los ntau ntau no nkag tau mus rau tej raj dej qub ces ua rau tej raj dej no ntim tsis tag, ua rau dej qub thiab dej nag phwj yawg. Lub City tau ua ntau yam los pab txo kom dej tsis txhob phwj, tiamsis kuj tseem tshuav haujlwm ntau heev ua.

Thaum twg kev tshuaj xyuas mam li tiav?

Kev tshuaj xyuas yuav pib rau tog 8 Hli mus rau caij nplooj zeeg. Yuav xa ib [tsab ntawv ceeb toom \(pdf\)](#) rau neeg xaub tsev thiab cov tswv tsev ua ntej lawv yuav tuaj kuaj. Kuj yuav tshais ib tsab ntawv ceeb toom ob peb hnuv ua ntej lawv yuav tuaj kuaj. Yuav siv sijhawm li 30 feeb los kuaj rau txhua zaus.

Kuv yuav ua li cas yog tias kuv pom hmoov pa?

Hu rau 911 yog tias koj tsis paub tseeb seb cov hmoov pa no puas yog lub City cov hmoov pa kuaj lossis lwm yam. Tshwj tsis yog ces qib qhov rooj qhov rais kom dim pa ces tiv tauj tus neeg ua haujlwm muaj npe nyob rau tsab ntawv dai ntawm qhov roj losis hu rau 612-673-3254 los qhia lawv paub txov cov hmoov pa. Lub City cov neeg ua haujlwm hauv zej zog yuav pab tau koj qhib qhov rooj qhov rais kom dim pa thiab pab nrhiav seb qhov teeb meem yog los ntawm cov pa mus rau qhov chaw tsis yog lossis vim kav dej muaj teeb meem.

Puas yuav kom kuv them nyiaj rau txoj kev tshuaj xyuas no?

Lub zos yog tus them cov kev kuaj no rau txhua tus pej xeem thiab lag luam. Koj tsis tas yuav them dabtsi li.